

განაცხადი და თანმდევი დოკუმენტაციის ნუსხა

განაცხადი;

შენიშვნა: განაცხადის ფორმა აუცილებელი წესით უნდა მოიცავდეს შემდეგ ინფორმაციას: საკონტაქტო ტელეფონი და ელ. ფოსტა, შემნახველი საწარმო ტიპი, საწარმოს ტონაჟობა, იურიდიული პირის სტატუსი, პროექტის განხორციელებისთვის შერჩეული მიწის საკადასტრო კოდი). დაუშვებელია აღნიშნული ინფორმაციის არასრული/არაზუსტი მითითება.

- უფლებამოსილი პირის პირადობის მოწმობის/პასპორტის ასლი;
- ამონაწერი სამეწარმეო რეესტრიდან;
- შედარების აქტი ან/და ცნობა შემოსავლების სამსახურიდან დავალიანების შესახებ მომზადებული განაცხადის შემოტანის მომენტისთვის არაუგვიანეს 30 კალენდარული დღით ადრე;
- იურიდიული პირის წესდების ასლი;
- ნოტარიულად დამოწმებული დამფუძნებლების/მეპაიეთა კრების ოქმი „ბენეფიციარის თანადაფინანსების შესახებ“ ხელშეკრულების გაფორმებისა და ამ ხელშეკრულებით გათვალისწინებული ვალდებულებების აღების შესახებ, რომელიც აუცილებელი წესით უნდა მოიცავდეს შემდეგ ინფორმაციას: პროექტის ფარგლებში განსახორციელებელი ინვესტიციის მოცულობა; შესაქმნელი/შესაძენი ძირითადი საშუალებების (მანქანა-დანადგარები, შენობა-ნაგებობა და სხვა) ჩამონათვალი და სააგენტოს სასარგებლოდ იპოთეკა/გირავნობით დატვირთვაზე გადაწყვეტილება; შემნახველი საწარმოს ამოქმედებიდან პროფილის შენარჩუნება არანაკლებ 2 წლის ვადით.
- სსიპ „სოფლის მეურნეობის სამეცნიერო-კვლევითი ცენტრის“ მიერ გაცემული ცნობა შესაქმნელი შემნახველი საწარმოს ტექნიკური პარამეტრებისა და დაგეგმილი კულტურების შენახვის სპეციფიკის ურთიერთშესაბამისობის შესახებ, რომელიც უნდა მოიცავდეს ინფორმაციას საწარმოს მოცულობის/დაგეგმილი კულტურების ერთჯერადად შენახვის ტონაჟობის შესახებ. ცნობას თანდართული უნდა ქონდეს სსიპ სოფლის მეურნეობის სამეცნიერო კვლევით ცენტრში წარდგენილი დოკუმენტაცია. შესაქმნელი საწარმოს ტექნიკური პარამეტრები:
- შესანახად განსაზღვრული ნედლეულის დახასიათება (კულტურა, ჯიშები, მოწოდების არეალი, შესაბამისი ნარგაობის ფართობები)
- შენახვის ტექნოლოგიური სქემის აღწერა (წინასწარი დამუშავება, კონსერვანტების გამოყენება, შენახვის რეჟიმი, ტექნოლოგია (ULO technology, CA storage და ა.შ.)
- შემნახველი საწარმოს არქიტექტურული პროექტი, რომელიც წარდგენილია შესაბამის მუნიციპალიტეტში სამშენებლო ნებართვის მისაღებად.
- შეძენისათვის განსაზღვრული აგრეგატების ტექნიკური მონაცემები (სამაცივრე დანადგარები, ვენტილაციის სისტემა, ჰაერის დამატენიანებელი)
- შენახვისათვის განსაზღვრული ტარა-მასალის აღწერა (ასეთის არსებობის შემთხვევაში)
- სსიპ ლევან სამხარაულის სახელობის სასამართლო ექსპერტიზის ბიუროს ან/და სსიპ „აკრედიტაციის ეროვნული ორგანოს - აკრედიტაციის ცენტრის“ მიერ აკრედიტირებული პირების ან/და სსიპ

„ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ მიერ წარმოებულ რეესტრში არსებული პირის (რომელსაც მინიჭებული აქვს I, II, III ან IV კატეგორია) საექსპერტო/აუდიტორული დასკვნა წარმოდგენილი პროექტის საინვესტიციო ღირებულების საბაზრო ფასებთან შესაბამისობის შესახებ, დასკვნაში აუცილებელი წესით გამიჯნული ან/და იდენტიფიცირებადი (ცალ-ცალკე) უნდა იყოს სამშენებლო სამუშაოების და დანადგარების/აგრეგატების ღირებულება.

- სამშენებლო / სამონტაჟო მომსახურებისა და დანადგარების/აგრეგატების შესყიდვის შესახებ გაფორმებული ხელშეკრულება ან/და ინვოისი (რომელიც აუცილებელი წესით უნდა მოიცავდეს შემდეგ ინფორმაციას: მხარეთა რეკვიზიტები, მიწოდების ვადა, გადახდის პირობა) შენიშვნა: მიწოდების მაქსიმალური ვადა პროექტის პირობების შესაბამისად შეადგენს 18 თვეს.
 - მიწის ნაკვეთის საკუთრების დამადასტურებელი დოკუმენტაცია (ამონაწერი საჯარო რეესტრიდან)
 - სამშენებლო ნებართვა კანონმდებლობით გათვალისწინებულ შემთხვევებში;
 - თანამონაწილეობის თანხის დამადასტურებელი დოკუმენტი - ცნობა/ამონაწერი ბანკიდან შესაბამისი თანხის ანგარიშზე არსებობის შესახებ ან/და ცნობა ბანკიდან/ საფინანსო ინსტიტუტიდან კრედიტის/ლიზინგის/ დამტკიცების თაობაზე ან/და პროექტის დაფინანსების ალტერნატიული/დამატებითი წყაროს არსებობის დამადასტურებელი დოკუმენტი;
 - შემნახველი საწარმოს საპროექტო-სახარჯთაღრიცხვო დოკუმენტაციის ექსპერტიზის დასკვნა, რომელიც გაცემული იქნება სსიპ „აკრედიტაციის ეროვნული ორგანოს - აკრედიტაციის ცენტრის“ მიერ აკრედიტირებული პირების მიერ ან სსიპ „ლევან სამხარაულის სახელობის სასამართლო ექსპერტიზის ეროვნული ბიუროს მიერ.
 - სამშენებლო სამუშაოების ვადაში გაწერილი გეგმა;
 - ბენეფიციარის საბანკო რეკვიზიტები;
 - სხვა დამატებითი დოკუმენტაცია, რომელთა წარმოდგენის აუცილებლობასაც განსაზღვრავს სააგენტო.
- სასოფლო-სამეურნეო კოოპერატივების შემთხვევაში დამატებით წარმოდგენილ უნდა იქნას:
- საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების - „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ მიერ წარმოებულ რეესტრში არსებული პირის საექსპერტო/აუდიტორული დასკვნა - სასოფლო-სამეურნეო კოოპერატივის წევრების არანაკლებ 3/4-ის (თითოეული წევრის) საკუთრებაში ან/და კოოპერატივის საკუთრებაში პაის სახით შეტანილი სასოფლო-სამეურნეო დანიშნულების მიწის ნაკვეთ(ებ)ის (სადაც გაშენებულია ბაღი ან მოჰყავთ ბოსტნეული) არსებობის დამადასტურებლად.
 - ნოტარიულად დამოწმებული მეპაიეთა კრების ოქმი/გადაწყვეტილება მასზედ, რომ კოოპერატივის წევრებმა მეპაიეებმა/კოოპერატივმა ვალდებულების სრულად შესრულებამდე არ მოახდინონ პაის და კოოპერატივის წევრების ან/და კოოპერატივის საკუთრებაში არსებულ იმ მიწის ნაკვეთების გასხვისება, რომელიც საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების - „ბუღალტრული აღრიცხვის, ანგარიშგებისა და აუდიტის ზედამხედველობის

სამსახურის“ მიერ წარმოებულ რეესტრში არსებული პირის საექსპერტო/აუდიტორული დასკვნაში იქნება მითითებული.

- სასოფლო-სამეურნეო კოოპერატივის სტატუსის მინიჭების შესახებ სასოფლო-სამეურნეო კოოპერატივების განვითარების სააგენტოს მიერ გაცემული დოკუმენტი;
- საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ მიერ წარმოებულ რეესტრში არსებული პირის საექსპერტო/აუდიტორული დასკვნა, კოოპერატივის წევრების ან/და კოოპერატივის საკუთრებაში არსებულ მიწის ნაკვეთ(ებ)ზე მოყვანილი/მოსაყვანი მოსავლის მოცულობის შესაბამისობის შესახებ შესაქმნელი შემნახველი საწარმოს წარმადობასთან/მოცულობასთან. დასკვნაში მითითებული უნდა იყოს საწარმოს მოცულობა და კოოპერატივის/წევრების მიწის ნაკვეთების საკადასტრო კოდები. მოყვანილი/მოსაყვანი მოსავლის მოცულობა უნდა შეადგენდეს არანაკლებ შემნახველი საწარმოს წარმადობა/მოცულობის $\frac{1}{2}$ -ს .

შენიშვნა: ელექტრონულ პროგრამაში განაცხადთან ერთად აუცილებელია წარმოდგენილი იყოს ყველა ჩამოთვლილი დოკუმენტის PDF ვერსია. დამატებით, თანადაფინანსების ხელშეკრულების გაფორმებამდე პოტენციური ბენეფიციარი ვალდებულია თანამონაწილეობის თანხის დამადასტურებელი დოკუმენტის, საექსპერტო/საშემფასებლო/აუდიტორული დასკვნის, ნოტარიულად დამოწმებული ინვოისების თარგმანი (უცხო ენოვანი ინვოისების არსებობის შემთხვევაში) და დამფუძნებელთა/მეპაიეთა კრების ოქმის ორიგინალი დოკუმენტი წარმოადგინოს სააგენტოს ადმინისტრაციული დეპარტამენტის საქმისწარმოების სამსახურის ან/და სააგენტოს რეგიონებთან ურთიერთობის დეპარტამენტის რეგიონული სამსახურ(ებ)ის მეშვეობით.

შენიშვნა: პროექტის პირობების, განაცხადის და თანმდევი დოკუმენტაციის ნუსხით განსაზღვრული მოთხოვნების შეუსრულებლობის შემთხვევაში განაცხადი იქნება **უარყოფილი**